

MPKK UniMAP

Disambut Baik Oleh Nanyang Polytechnic (NYP)



Majlis Penghuni Kolej Kediaman UniMAP (MPKK) telah melebarkan lagi jaringan program kembara ilmu mereka ke Singapura. Seramai 58 orang pelajar telah mengikuti program ini. Semasa di Singapura, para pelajar dibawa melawat ke Nanyang Polytechnic (NYP) yang mana telah membuka mata para pelajar tentang suasana pembelajaran di luar negara di samping menyuntik semangat baru kepada mereka supaya berusaha dengan lebih gigih di dalam pembelajaran agar seterusnya dapat menyambung pengajian ke peringkat lebih tinggi.

Program ini telah membuka peluang para pelajar untuk mempelajari serba sedikit tentang negara luar dari sudut sosio budaya, ekonomi, pendidikan dan juga komunikasi yang berkesan serta membina keyakinan diri. Selain itu juga, ia selaras dengan hasrat Kementerian Pengajian Tinggi untuk melahirkan insan minda kelas pertama.

